

Post Romanos Scythæ Attila duce hæc loca infederunt, septemque sedes liberas sibi exstruxere. Scythi Saxones successerunt Caroli Magni tempore, qui patria deserta hæc loca infedere, exstructis septem ad Scytharum exemplum urbibus liberis. Postremo etiam Hungari alios sublequuti, partim loci vicinitate allekti se Dacis miscuere: partim injuriis provocati, sub Stephano Pannoniæ Rege quem sanctum indigitat, totam istam regionem expugnare. Ab his structa sunt etiam aliquot Opida. Pars Transsylvaniæ montosa, iero devicta est a Mathia Huniade qui Corvini cognomentum habuit, posteaque a Stephano Hungariæ Rege. Mathias ille Draculam quendam Transsylvaniæ montosæ Vaivodam hominem inaudita crudelitatis vivum cepit, & post decem annorum carcerem pristino loco restituit. Transsylvania nunc in tres dividitur nationes suis inter se moribus & legibus diffidentes & distinctis terrarum locis provinciam incolentes, videlicet in Saxones, Ciculos & Hungari. Transsylvani Saxones sicut cæteræ nationes omnes Germanicæ, habent peculiarem linguæ dialectum. Urbes & arces incolunt munitissimas, & cæteris nationibus præstant. Sedes eorum sunt septem, nempe, Zarovariensis, Zabesiensis, Millenbach, Reusmark, Segesburgensis, Schesburg forte, Ollezna, Schenkerstul & Rupensis sed Reus forte, quæ singulæ pagos aliquot subjectos habent. Ciculi Moldaviæ finitimi a Scythis oriundi suis legibus & moribus vivunt, suæque officia sorte distribuunt. Hi in septem sunt divisi regiones quas ipsi sedes vocant, quarum nomina sunt: Sepsi, Orbai, Kysdi, Czyk, Gyrgio, Marcus Zeek, Aranyas Zeek. Hungari & Nobiles Transsylvani passim intermixti Saxonibus cum Ciculis, propemodum tam sermone, quam vestitu & armis conveniunt. Omnes simul Transsylvani ad nonaginta & amplius armatorum milia suppeditant. Sunt autem in Transsylvania septem urbes celebriores locorum intervallis distantes, inter quas Cibinium, est Metropolis & Hermanstat dicitur. Sita in planitie, nullis prope Montibus impeditur, quin se in admirabilem latitudinem aperiat. Non multo minor est Vienna Austriæ, arte & natura multa est munitior: nam propter frequentes piscinas & stagna non patet exitui ad eam aditus. Parochiam etiam cathedralem habet, Brassovia sive Corona Germanis Cronstat, quæ & Stephanopolis intra Montes amœnissimos sita, mœnibus, fossis & propugnaculis satis munita est. Hic Academia & Bibliotheca insignis. Bistricia, Noesenstat in amplissimæ vallis planitie sita, utrinque vitiferos colles habet. Segosvaria, Schesburg partim in edito colle, partim infra ad radices habitata. Megies, Mydovisch in medullis Transsylvaniæ sita, ferax vini ac rebus aliis omnibus ad quæstum & victum pertinentibus satis referta. Zabesiensis sive Zaaz in planitie, valle profundissima, aquis piscium fecundissimis munita jacet. Hanc primariam Saxonum sedem fuisse dicunt. Et Colosvaria, Clausenburg itidem in planitie suaviter admodum sita, rarum murorum ambitu foris, quam ædificiorum structuris intus splendida. Est & hic Alba Julia urbs vetustissima, ac sede Episcopali celebris. Hæc in colle declivi sita, circumfusa undique ad duo tere millia passuum planitie. Ab Ortu fluvium Marusium, & ex altero latere amnem Ompay Hungarice vocatum, ex Alpibus descendentem habet. Olim Tarmis dicta, ac regis Decebali Regia tempore Trajani fuit. Numerantur etiam in Transsylvania quo ad pensiones taxarum octo parochialia Capitula præcipua, quæ simul Vniversitatem appellant.

Bistriciensis

Urbes.